

Канон Божественным Страстям Христовым

Глас 6-й

Песнь 1

Ирмос: Волною морскою Скрывшего древле гонителя мучителя, под землею скрýша спасённых отроцы: но мы яко отроковицы Господеви поим, славно бо прославися.

Припев: Слава Страстем Твоим, Господи.

Приклонил еси колене моляся, Емуже поклоняется всякое колено небесных, земных и преисподних. Приклонися к молению моему и услыши мя, якоже Отец молящая Тя услыша.

Слава Страстем Твоим, Господи.

Отче, в молении глагола еси, да Тебе истиннаго Сына покажеша, на раны готов есмь, аще и единого зла не сотворих: мене, Иисусе мой, многа зла сотвориша, многих избави мучений.

Слава: В поте лица твоего хлеб твой снеси, рек еси падшему человеку: темже, яко вторый Адам, егда молился еси, пот Крове изливаешся из Пречистаго Тела Твоего: брашно бо Твое волю Отцу творити. Ни едину убо заповедь Твою сотворшаго, Иисусе Христе, потом Крове Твоея каплющим омый мя.

И ныне: Не кому земля проклята есть, Кровию бо Сына Твоего благословляется: земле благословенная, Пречистая Дево, воздвигни мя, прах и пепел, на славословие Христа, Бога нашего.

Песнь 3

Ирмос: Тебе на водах повесившаго всю землю неодолимо, тварь видевши на лобнем висима, ужасом многим содрогашся, несть свят, разве Тебе, Господи, взывающи.

Слава Страстем Твоим, Господи.

Отягчени быша сном Апостоли, егда отшел еси от очию их на молитву в вертограде Гефсиманстем: лениваго мя и унылаго на Твое поклонение воздвигни.

Слава Страстем Твоим, Господи.

Яко истинный Пастырь, видев волка Иуду грядуща, Аз есмь, друже, глагола еси ученику лукавому, к покаянию наставляя падшаго. Мене, всегда согрешающа и николиже в чувство приходящаго, направи, Господи мой, на путь правый, и от челюстей мысленнаго волка силою Твоею избави.

Слава: Се оружием и дрекольми яко на разбойника приходят, Егоже яко жертву нескверну в церкви искати подобаше: о моих гресех жертву приносимую Тебе, Господи, не презри.

И ныне: Коснүвся уха усеченнаго, изцели раба архиереова Сын Твой, Врач душ и телес: вся моя душевныя и телесныя, Дево, изцели болезни, Целителя рождающая.

Седален, глас 6-й

Не отвещал еси ничтоже власть на Тебе мнѣшему имѣти, гордым противляйся: но мно́гою лжею безстѣдных утружден, молчиши, да мя многоглаголания избавиши и вся терпѣти научиши.

Слава, и ныне, Богородичен: Премени скорбь мою на радость, Дево Богородице, Яже мно́ги скорби претерпѣла еси, зрящи многотраждуща Сына Твоего, мене ради осужденнаго.

Песнь 4

Ирмос: На крестѣ Твое Божественное истощение провидя Аввакум, ужасся вопиаше: Ты сильных пресеки еси державу, Блаже, приобщаяся сущим во аде, яко Всесилен.

Слава Страстем Твоим, Господи.

Не отвещал еси словесѣ безстѣдному Иродови, сынови погибели, усекнувшему уже Иоанна Предтечу, и глас Твой: добраго отвѣта при кончинѣ моей сподоби мя, Христѣ.

Слава Страстем Твоим, Господи.

Знаменія искаше Ирод чудснаго, не разумѣя велия чуда, яко Бог твари предстоит: знаменай мя светом лица Твоего, Христѣ мой, и даждь весѣлие сердцу моему болѣзненному.

Слава: Закрываху лице Твое биюще, Наньже Херувими зрѣти не могут, крилами закрывающесе: покрый мя Твоим заступлением.

И ныне: Изменися лице Твое, Дево, егда узрѣла еси Сына Твоего яко злодея ведома от иудеев. Мно́гое воистинну долготерпѣние Твое, Сыне и Бже Мой, – со въздыханием рекла еси.

Песнь 5

Ирмос: К Тебе утренюю, милосѣрдия ради Себѣ истощившему непреложно и до страстей безстрастно преклоншешуся, Слове Божий: мир подаждь ми, падшему, Человеколюбче.

Слава Страстем Твоим, Господи.

Земля, подножие ног Твоих, израсти на главу Твою терние, Иисусе мой. Изыдите, дщери Иерусалимския, и зрите Царя славы в венце терновом, имже венча Его неблагодарный род еврейский.

Слава Страстем Твоим, Господи.

Лживи сынове человечести в мерилех: Тебѣ, всем вся сущаго, тридесятию сребреников оцениша, и село крове купиша, Кровь Твою изливше, Еюже испері ризы моя, яже по крещении и обещании покаяния оскверних.

Слава: Повинутися подобаше Богу, а не иудеом, судие безумный, и не осуждати на смерть Владыку и Судию всяческих. Мене, повинувшася скверным страстем, к покаянию настави, Господи, да не в смерть осужден буду.

И ныне: Заклинаете Богом Живым Бога Живаго, пребезумнии: но небо и земля отвещают, яко Бог есть, сия пострадавый, и Сын мой, – Дева матерски вещаше.

Песнь 6

Ирмос: Ят бысть, но не удержан в персех китовых Иона: Твой бо образ нося, страдавшего и погребению давшегося, яко от чертога, от зверя изыде, приглашаше же кустодии, хранящии суетная и ложная. Милость сию оставили есте.

Слава Страстем Твоим, Господи.

Изшел еси, Иисусе, нося крест Твой. Да якоже Авель от Каина, от иудеев постраждеша, изыди и ныне и зыщи мене заблудшаго.

Слава Страстем Твоим, Господи.

Грядеши якоже Исаак истинный, на ramo Твое крест восприем. Да на нем жертву от моих гресех принесеши Отцу, в воню благоухания.

Слава: Виде Иаков лествицу утвердenu до Небес: се есть Крест Твой, имже возведи ум мой от нижних к горним обителем.

И ныне: Не плачьтеся Мене, неповинна, дщери Иерусалимския, не плачи Мене, Марие, Мати Моя: вскоре бо возрадуешься, егда востану и прославлюся.

Песнь 7

Ирмос: Неизреченное чудо: в пещи Избавивый преподобныя отроки из пламене, во гробе мертв, бездыханен полагается, во спасение нас, поющих: Избавителю Боже, благословен еси.

Слава Страстем Твоим, Господи.

Истинный Ты еси Давид, восприяв бо крест, яко псалтирь красен, на гору Голгофскую возшел еси, да гнева Бога Отца нас свободиши поющих: благословен еси, Агнче Божий, во веки, сотворивый вечное миру избавление.

Слава Страстем Твоим, Господи.

Яко добрый дому Отца Твоего строитель, Христе Боже, свещник Крест Твой всем, на нем Сам яко светило возсиял еси миру, да поем Тебе: благословен еси, Агнче Божий, во веки, сотворивый вечное миру избавление.

Слава: Яко кадило в воню благоухания, от растерзания Плоти Твоея, Кровь Богу Отцу принесл еси, да приведеша мене к Немю поюща: благословен еси, Агнче Божий, во веки, сотворивый миру вечное избавление.

И ныне: Егда узрела еси на Кресте Христа, Сына Твоего, Егоже безсеменно родила еси, Чистая, удивилася еси неизреченному Его долготерпению: темже Ты с Ним прославляем.

Песнь 8

Ирмос: Ужаснися бояся, небо, и да подвижатся основания земли: се бо, в мертвецех вменяется в вышних Живый и во гроб мал странноприимлется: Егоже, отроцы, благословите, священницы, воспойте, людие, превозносите во вся веки.

Слава Страстем Твоим, Господи.

Се есть Сын Твой возлюбленный, Боже Отче, Егоже крещаем от Иоанна и преобразующася на Фаворе, послушайте, рекл еси: послушай ныне Его жаждуща моего спасения, Емуже, мене ради умершему, пою: искупленнии кровию Его вси языцы и вся племена, Господа пойте и превозносите Его во веки.

Слава Страстем Твоим, Господи.

Се есть Сын Твой, Боже Отче, Егоже послана уничижиша, яко землю

желанную, не яша веры словесем Его, досаждением и мукою испыташа, аз же зову: роди родов, искуплении Кровию Его, Господа пойте и превозносите Его во веки.

Слава: Се есть Сын Твой, Боже Отче, рожденный не име места во обители, живущь на земли, друг мытарем и грешником, и хульник наречеса, на смерть поносную осудися, да мене, греховною тяготою обремененна, в небесных селениях упокоит, поюща: вся внутренняя моя, Господа пойте и превозносите Его во веки.

И ныне: Се есть Соломон на Своем Престоле, се Архирей на Своем олтарі, се есть Вождь, дай оружие непобедимое, се есть Сын Твой, Дево, и Сын Божий. Егже Отец мене ради не пощадет, но на смерть предадет, да Ему поклоняяся пою: вси от века праведнии и грешнии, искуплении Кровию Его, Господа пойте и превозносите Его во веки.

Песнь 9

Ирмос: Не рыдай Мене, Мати, зрящи во гробе, Егже во чреве без семени зачала еси Сына: встану бо и прославлюся и вознесу со славою непрестанно, яко Бог, верою и любовию Тя величающия.

Слава Страстем Твоим, Господи.

Вем, кто виновен страсти Твоея на Голгофе: аз, Господи, аз невоздержанием распях Тя, но не постави мне греха сего кающемуся.

Слава Страстем Твоим, Господи.

Не ктому Херувим хранит врат Едемских, се бо, на древе Живот мой Ты повешен еси, Христе. О, любви Твоея неизглаголанья! Научи мя достойно благодарити Тя.

Слава: Имаши надписание, Христе мой: Иисус Назарянин, Царь Иудейский. Свидетельство сие есть ко Отцу, яко добре волю Его сотворил еси: в книги животныя напиши мя, молю Ти ся.

И ныне: Не остави Мене едину, печали исполнену, но вскоре утеши Мя, утешение Моё, – Дева рече. Аз же что воздам Тебе, Иисусе мой? Вниди в сердце моё, да не ктому аз, но Ты во мне живёши, и аз в Тебе.

Светилен

Чертог Твой вижду, Спасе мой, украшенный, и одежды не имам, да вниду в оны: просвети одеяние души моея, Светодавче, и спаси мя.

Слава: Разбойника благоразумнаго во едином часе раеви сподобил еси, Господи: и мене древом крестным просвети и спаси мя.

И ныне: Чертоже одушевленный, Дево, несмы достоин чертога небснаго, греховныя ради вины, но молю Тя прилежно, ради обнаженнаго на кресте сладчайшаго Твоего Сына и благаго моего Господа, покрый студ лица моего и спаси мя.

Молитва

На Кресте пригвожденный за ны, Иисусе Христе, Единородный Бога Отца Сыне, милости, любви и щедрот неизчерпаемая бездно! Вем, яко грехов ради моих, от неизреченнаго человеколюбия, Кровь Твою пролияти на Кресте изволил еси, юже аз, окаянный и неблагодарный, доселе скверными моими делы попирах и ни во чтоже вменях. Тем убо из глубины беззакония и нечистоты моея умными очима на Распятаго Тя на Кресте Искупителя моего возрев, со смирением и верою во глубину язв, Твоего милосердия исполненных, себе повергаю, грехов

прощѣния и сквѣрнаго житія моего исправлѣния прося. Милостив буди мне, Владыко и Судие мой. Не отрини мя от лица Твоего, но всесильною Твоею рукою Сам мя к Тебѣ обрати и на путь истиннаго покаяния настави, да отныне положу спасѣния моего начало.

Божественными страданьями Твоими укроти моя плотскія страсти; излианною Твоею Кровию очисти моя душевныя скверны; распятием Твоим распи мя миру с соблазнами его и похотми; Крестом Твоим огради мя от невидимых враг, ловящих душу мою. Прободенными ногами Твоими от всякаго пути лукаваго возбрани ногам моим; прободенными руками Твоими рuce мой от всякаго неугоднаго Тебѣ дела воздержи. Пригвожденный плотию, пригвозди страху Твоему плоть мою, да уклонився от зла, творю благо пред Тобою. Преклонивый главу Твою на Кресте, к земли смиренія приклони вознесенную мою гордыню; венцем Твоим терновым огради моя ушеса, во еже не слышати кроме полезнаго; желчь устами вкусивый, положи хранѣние нечистым устом моим; отверстое копием имей сердце, сердце чисто во мне созижди; всеми Твоими язвами всего мя сладце в любовь Твою уязви, да Тебѣ, Господа моего, возлюблю всею душею, всем сердцем, всею крепостию и всем помышлением.

Дажь ми Себе странна и неимуща, где главы подклонити; даждь ми Себе Всеблагаго, избавляющаго душу мою от смерти; даждь ми Себе Всесладкаго, услаждающаго мя в скорбех и напастех Своєю любовью, да Егуже первее ненавидах, прогневлях, от себя изгонях и ко Кресту пригвождах, сего ныне возлюблю, радуясь приму и сладце Крест Его до конца жизни моей понесу. Не даждь отселе, о Всеблагий Искупителю мой, ни единой моей воле совершатися, понеже зла есть и непотребна, да не паки впаду в тяжкую работу царствовавшаго во мне греха; но Твоя воля благая, спасти мя хотящая, да совершается во мне всегда, ейже мя вручая, Тебѣ, Распятаго Господа моего, умным очесем моего сердца представляю и молю из глубины души, да и в разлучении моем от брэннаго моего тела, Тебѣ Единого на Кресте Твоем узрю, в рuce мя защищения Своего приемлюща, и от воздушных духов злобы храняща, вселяюща же со грешники, покаянием Тебѣ благоугодившими. Аминь.